



Պարույր Սևակ

Ինքն իրեն հետ

Քրտնքից խաշված իր հին գլխարկը թերած աչքերին,
Ինքն իրեն հետ է առնում ու տալիս Մարտիրոս քեռին.
«Ախար, ա՛յ հոգիս, Էս ո՞նց կլինի աշխարքի բանը», -
Ու ջրաղացում տրված օրդերն է կոխում գրպանը:-
Խոսքի օրինակ, ա՛յ, հենց մեր զալում պահեստապետը:
Մինչև որ ձեռքիդ զոմբախ չունենաս՝ չես խոսի հետը:
Շներին կապել ու բաց են քողել էդ տնավերին,
Ինչ է թե երեկ շրջկոմ է ընկել իր քեռու քեռին:
Բայց դե աշխարքը ո՞ւն է մնացել, որ դրանց մնա,
Անարդար բանը անոթի շանն էլ, չէ՛, կու չի գնա:
Ա՛յ, Էսքանն էլ ճիշտ (զույգ փոշտում է Մարտիրոս քեռին,
Եվ դրանից էլ գլխարկն է իշնում, կախվում աչքերին):
Նա - և կոմունիստ: Գիտի-չգիտի մի «ուռու», «կեցցե»:
Տն՝, ինչ կոմունիստ... Թե դրան վերցնես ու քոնիդ զցես,
Վրայից անզամ կոմունիստ մարդու մշահու չի գա...
Ա՛յ, ինչ եմ ասել, քողնես՝ ամենքին կպցնի «հակա»:
Դեհ, էլ ո՞ւմ ասեմ, որ քան տարի էդ մարդու տղան
Ձեռքը չի բռնել ո՛չ մանզադ, ո՛չ բահ, ո՛չ փոցիս ու եղան.
Կա՛մ հանդապահ է, կա՛մ կալի հսկիչ, - ման զալիս էշխով,
Ուշունց է տալիս - և դրա համար ստանում աշխօր:
Բենզին է տանում տրակտորիստին - ինչ խոսք որ ԳԱԶ-ով,

Մսի մթերման տավարն է հանձնում - են էլ ի՞նչ նազով:
Բա լսվա՞ծ բան է. չորս - հինգ փութ ցորեն ջաղաց ես տանում,
Նա՝ օրդեր գրում, դրա համար էլ... աշխօր ստանում:
Թե իրեն ասես՝ մի բան չես արել էս քան տարում,
Կասի՝ ժողովո՛ւրդ, սա մեր կարգերի հիմքերն է փորում:
Թե մեկ էլ ասես, կզոռա՝ բա ո՞նց, պարտիական եմ...
Քրտնքից խաշված իր հին գլխարկը թեքած աչքերին,
Ինքն իրեն հետ է առնում ու տալիս Մարտիրոս քեռին:
Չզիսի քեռին, որ այդ նույն պահին իրենց շրջկոմում
Պահեստապետին ու նրա քեռուն պատին են գամում...

15.V.1954թ.

Մուկվա